



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

Concessio Indvlgentiae vniuersis fidelibus Prouinciæ Mediolanen.
conuenientibus ad orationem quadraginta horarum.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

stis gratia vberius conspexerint se resectos: precibus quoque dilecti filij nostri Caroli tituli sanctae Praxedis presbyteri Cardinalis Ecclesie Mediolanensis Presulis nobis super hoc humiliter porrectis inclinati: De omnipotentis Dei misericordia ac Beatorum Petri, & Pauli Apostolorum eius, auctoritate confisi, omnibus vtriusque sexus Christi fidelibus in dicta Prouincia Mediolane. existen. qui orationi sine intermissione iussu Episcopi pro tempore indicende per horę spatium vacauerint, tres annos: qui vero processioni interfuerint initio, vel in fine orationis celebratę huiusmodi in Cathedralibus decem; in alijs vero Ecclesijs quinque annos indulgentię in forma Ecclesie consueta concedimus. Ac vero semel in anno die ab Episcopo prescribendo si sacram etiam Eucharistiam vere pœnitentes, & confessi sumplerint, plenariam omnium peccatorum suorum indulgentiam, & remissionem tenore presentium elargimur. Presentibus perpetuis futuris temporibus valituris. Dat. Romę apud Sanctum Petrum sub annulo piscatoris. Die V. Aprilis. M. D. LXXX. Pontificatus Nostri anno octauo. subscripta.

Cęf. Glorierius.

CONCESSIO INDVLGENTIAE
vniuersis fidelibus Prouincię Mediolanen. con-
uenientibus ad orationem quadra-
ginta horarum.

GREGORIUS PAPA XIII.



Niuerfis, & singulis Christi fidelibus Prouincia Mediolanen. presentes literas inspecturis salutem, & Apostolicam benedictionem. Quam vberes ex orationis instituto ad populum Christianum semper prouenerint fructus, animo reuoluentes, ea libenter concedimus quibus fideles ad orationem maximę excitentur. Itaque de Omnipotentis Dei misericordia, ac Beatorum Petri, & Pauli Apostolorum eius auctoritate confisi, omnibus, & singulis vtriusque sexus Christi fidelibus in dicta Prouincia Mediolanen. constitutis, qui orationi quadraginta horarum ordinarię vel extraordinarię iussu Episcopi expositę per horę spatium vacauerint, tres annos, qui vero processioni interfuerint initio, vel in fine orationis celebratę huiusmodi, in Cathedralibus decem, in alijs
vero

vero Ecclesijs quinque annos indulgentiæ in forma Ecclesiæ consueta concedimus; ac vero semel in anno die ab Episcopo præscribendo si sacram etiam Eucharistiam verè pœnitentes, & confessi sumpserint, plenariam omnium peccatorum suorum indulgentiam, & remissionem, tenore præsentium largimur. Præsentibus perpetuis futuris temporibus valituris. Dat. Romæ apud Sanctum Petrum, sub Annulo Piscatoris, die V. Apr. M D LXX X. Põtificatus nostri, Anno octavo.

Ca. Gloricius.

CONCESSIO INDVLTIAE
conuenientibus ad concionem, & Missam maiorem, & ad orationem, & processionem sub vexillo.

GREGORIVS PAPA XIII.



Ad perpetuam rei memoriam, Cum nihil Pastoralis nostre sollicitudini eque cordi sit, quam salus animarum, idcirco, quibus possumus, rationibus Christi fideles ad exercitationes spirituales, piaque officia incitamus; ut hac via incidentes per obseruationem mandatorum Domini, diuinam misericordiam, & gratiam consequi mereantur. Itaque de Omnipotentis Dei misericordia, ac Beatorum Petri, & Pauli Apostolorum eius, auctoritate confisi, omnibus vtriusque sexus Christi fidelibus in Prouincia Mediolanense pro tempore existentem qui sacrum sermonem, concionemue audierint, quoties id egerint, toties quinquaginta dierum; qui vero die festo Missæ maiori interfuerint, trium annorum, & totidem quadragenarum; qui Vesperis vnus anni; qui Completorio quinquaginta dierum indulgentiam in forma Ecclesiæ consueta concedimus. Præterea ijs, qui collegiatim sub vexillo suæ Ecclesiæ conuenerint ad visitationem alicuius Ecclesiæ, aut sacræ Reliquiæ, toties centum dierum, si ad processionem generalem quinquaginta dierum; si ad processionem particularem, viginti quinque dierum: si ad stationem orationis publicæ celebrandæ centum dierum. His vero qui consueuerint, ut plurimum hæc officia, & exercitationes spirituales cum Parochiali vicinia collegiatim obire, semel in anno, & sanctissima Communionem sumpta in die festo proprio, & præcipuo suæ Parochiæ plenariam omnium peccatorum suorum indulgentiam.